

Na osnovu člana 16. stav 2. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“ broj 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 185. sjednici održanoj dana 02.10.2014. godine, d o n o s i

O D L U K U

o ostvarivanju pomoći za plaćanje troškova stanovanja osobama koje su usljed prirodne nesreće izmještene iz svojih domova u Zeničko-dobojskom kantonu

Član 1.

(Sadržaj odluke)

Osobama sa područja Zeničko-dobojskog kantona dovedenim u stanje socijalne potrebe usljed prirodne nesreće, a kojima su stambeni objekti devastirani, rizični za stanovanje ili totalno uništeni od poplava ili klizišta, (u daljem tekstu: osobe u stanju socijalne potrebe) i koji su izmješteni iz svojih domova pružit će se pomoć za plaćanje troškova stanovanja do okončanja obnove ili izgradnje stambenih objekata.

Član 2.

(Ostvarivanje pomoći)

Pomoć iz člana 1. ove odluke osoba u stanju socijalne potrebe će ostvariti pod sljedećim uvjetima:

1. Da je stambena jedinica oštećena, rizična za stanovanje ili uništena usljed poplava i klizišta i nije uvjetna za stanovanje u skladu sa propisanim stambenim standardima.
2. Da je obitelj na dan prirodne nesreće živjela u stambenoj jedinici koja je predmet obnove.
3. Da je regulisano vlasništvo/posjed nad stambenom jedinicom koja je predmet obnove.

Član 3.

(Potrebna dokumentacija)

Zahtjev za ostvarivanje pomoći iz člana 1. ove odluke osoba u stanju socijalne potrebe podnosi nadležnoj službi Općine u kojoj ima prijavljeno prebivalište. Uz zahtjev je potrebno dostaviti sljedeće:

1. Dokaz o vlasništvu stambenog objekata (posjedovni list ili ZK izvadak)
2. Dokaz o prebivalištu/boravištu (CIPS)
3. Kućna lista

Član 4.

(Rješavanje o pomoći)

- (1) Postupak ostvarivanja pomoći iz člana 1. ove odluke provodit će nadležna Općinska služba za socijalnu zaštitu tako da zaprima i kompletira zahtjev utvrđujući sve činjenice i okolnosti od značaja za donošenje rješenja a o priznavanju prava će odlučivati Ministarstvo za rad, socijalnu politiku i izbjeglice Zeničko-dobojskog kantona (u daljem tekstu: Ministarstvo).
- (2) Nadležne Općinske službe za socijalnu zaštitu dužne su u kompletiranju zahjeva pribaviti sve dokaze o stanju stambenog objekta u vrijeme odlučivanja po zahtjevu.
- (3) Rješenje u formi prijedloga sa kompletnim spisom nadležne Općinske službe za socijalnu zaštitu dostavit će Ministarstvu na odlučivanje.

Član 5.
(Visina pomoći)

Plaćanje troškova mjesečne stanarine utvrđuje se do iznosa:

- | | |
|--|-----------|
| 1) Za jednočlanu obitelj | 100,00 KM |
| 2) Za dvočlanu i tročlanu obitelj | 120,00 KM |
| 3) Za četveročlanu i petočlanu obitelj | 150,00 KM |
| 4) Za šestočlanu i veću obitelj | 180,00 KM |

Član 6.
(Period važenja pomoći)

Rješenje o utvrđenoj pomoći revidirat će se svaka tri mjeseca.

Član 7.
(Finansiranje)

Finansiranje pomoći iz člana 1. ove odluke vrši se sa pozicije Ministarstva za rad, socijalnu politiku i izbjeglice Zeničko-dobojskog kantona

Član 8.
(Stupanje na snagu Odluke)

Odluka stupa na snagu danom donošenja i biti će objavljena u „Službenim novinama Zeničko-dobojskog kantona”.

Broj: 02-_____/14.

Datum, 02.10.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

- 1x Ministarstvo za rad, socijalnu politiku i izbjeglice,
- 1x Ministarstvo finansija,
- 1x “Službene novine Zeničko-dobojskog kantona”,
- 1x a/a.